

隨州志卷十七

祥異

景星慶雲於時為瑞長蛇封豕自古為災祥異之說有
自來矣鄭爽滌言災祥而不言徵應以正漢儒援引之
傳會然洪範庶徵捷若影響善言天者必有驗於人士
君子以時修省當思所以招祥而消沴歟

上古

炎帝母感神龍生帝於烈山九井自出五帝紀

後周

隨州志 **卷十七** 祥異

建德二年旱涓流幾絕周書于翼傳

唐

神功二年隋州旱唐書五行志

宋

熙甯五年夏隨州地震木折獲石其下

隆興元年隨州大饑斗米六千錢七月蝗

淳熙三年旱大饑

慶元四年旱蝗知隨州趙方走禱於四郊一夕大雨歲有
收

元

元貞元年五月野蠶成繭亘數百里民取為纊

三年隨州旱

大德三年十月隨州旱

泰定元年旱

二年七月旱

明

天順五年隨州大水

成化元年大饑全上

隨州志

卷十七

祥異

二

四年五月庚申雨雹夏大旱

宏治二年雨豆

正德元年德安府屬旱

二年三月儒學產芝三本

十月花盛開簸箕巷民張必顯妻崔氏生髭長三寸數日

暴死

十八年八月庚午星隕有聲如雷

嘉靖三年正月地震

二十年五月隨州大雨三日黃連村裂為壑有聲如雷

五里皆震越月乃止

三十六年大洪山仙人洞芝草生

萬曆十年德安府屬大旱

十六年旱

四十四年八月蝗

四十五年冬地震有白氣入東方逾月乃散

四十七年十二月地震除夕有赤光如刃形

天啟四年隨州城南關民家產一牛兩頭

五年唐縣鎮雨豆形如彎弧其色如灰

隨州志

卷十七

祥異

三

七年魯城河民家產麒麟

崇正四年七月地震

五年十一月雷

七年蝗

九年五月地震有聲如雷屋宇皆動

國朝

順治三年犀見於大洪山北

康熙二年蓮花寺有娑羅樹一株蔭可二畝宋遺產也崇

正末枯死是年忽長新枝葱鬱如前

二十九年旱 詔賑穀米

三十八年旱 詔賑穀 湖廣通志

四十四年潰水溢入玉波門壞居民房舍

五十七年旱 詔蠲其賦賑穀

雍正十年大有年

乾隆十五年六月潰水溢入玉波門壞居民廬舍

二十六年饑 詔賑

三十二年七月潰水泛溢壞廬舍

四十四年饑 詔賑

隨州志 卷十七 祥異

四十五年麥大有秋

五十年旱大饑 詔賑銀米兼穀

五十二年大有年 以上舊志

五十八年四月二十一日大水

嘉慶八年五月初四日夜大水

十八年大饑

二十五年五月初七日大水壞田產民房無數

道光元年五月十二日大水

十二年春有火龍自北而南火光燭地

十四十五十六年蝗

十八年十二月除日大雷雪深數尺

十七十八十九年多狼啣傷數百人

二十年正月二十三日巳時地震屋瓦搖動

五月五日民訛言四起紛紛避亂震動數百里

二十三年七月二十六日大雷雨雹禾稼多傷

二十五年八月十三日巳時天鼓鳴

二十八年大水

咸豐元年八月二十八日卯時天火自西南流東南其光

隨州志

卷十七

祥異

五

燭地有聲如鼓

九月十八日辰刻有星如月行遲有聲

三年五月二十四日大風拔木鳥巢盡覆

是年李樹結瓜

秋八月禾雙穗

九月馬姓家牡丹開

四年東鄉水鬪魚鰕並見

二月天雨豆

五年彭姓家雄雞生卵

二月雨雹厚尺許大如雞卵鳥獸多擊死

四月十三日桑園雨血嗅之腥

八月蝗飛遮日有星如月自北至南隕聲如雷冬雨豆
六年大旱自五月至九月始雨斗米千錢

八月雨豆

九月梨樹華

十月十三日白氣自洪山起光燭雙河等處及州城

七年八月蝗飛蔽日

八年雙河堡外嚴姓田麥穗雙歧

隨州志

卷十七

祥異

六

同治四年正月十五日辰刻天地陰晦雷電大作雪深尺
餘

五年二月雨豆

四月大雨雹

七月十三日香爐尖山頂五色雲見

十一月珍珠砦壁上有人馬影長尺輪流不絕

六年五月大水解河新城堡中水深丈餘壞田園廬舍

十月棠棣華地生白毛

七年夏大雨雹傷麥

六月初三日大水安全砦地陷水湧由四十里坑至出山
店漂沒人民無數

八月白廟戴姓家棗樹開花如棉

隨州志

卷十七

祥異

七